

Bibel fa Kjinja

brinj't junt



Gott proof't Abraham siene Leew



Jeschräwen von: Edward Hughes
Jemolt von: Byron Unger un Lazarus
Alastair P.

Toom Pauss jestalt von: M. Maillot un Tammy S.

Äwasat von: Ed Zacharias

Häajestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

1



Eene Nacht säd Gott
waut sondaboaret to
Abraham. Hee wull
Abraham aufproowen,
auf am sien Sän mea
Wieet wia aus Gott.

2

Gott säd, "Nemm dienen Sän
Isaak un opfa am en een
Brauntopfa." Isaak
oppofren? Daut
wia sea schwoa fa
Abraham. Hee wia
sienen Sän sea goot.




3

Oba Abraham haud lieet Gott vetruen,
wan hee am uk nich vestonen
kunn. Tiedich zemorjes jinkj
hee loos met Isaak un twee
Deena no däm Opfa Boajch.




4

Ea see loosjinjen,
spold Abraham waut
Holt toom Fia moaken
fa daut Opfa.
Abraham wull Gott
jehuarsom sennen.



5

No drie Doag kjeemen
see no däm Boajch. "Blieft
hia," säd Abraham to siene
Deena. "Wie waren gonen
un aunbäden, un dan kom
wie trigj no junt."



Isaak druach
daut Holt, un
Abraham daut
Fia - un een
Massa.

6

"Wua es daut Laum fa daut
Brauntopfa?" fruach Isaak.
Abraham säd, "Gott woat
doano seenen, daut hee een
Laum fa daut Opfa haft."




7

Dee twee kjeemen bat dee Städ dee Gott
jesajcht haud. Abraham bud doo eenen
Aultoa, un läd daut Holt doabowen
trajcht fa daut Opfa fa Gott.
Abraham haud aul foaken een
Aultoa jebut, oba disen buen
woat sennen sea schwoa
jewast.



8




Abraham vebunk Isaak un läd am opp däm Aultoa. Wudd Abraham werkjlich Gott jehorchen un sienen leewen, sienen eensjen Sän, opfren? Jo! Daut Massa blenkjad aus Abraham daut opphoof. Hee kunn sikj von bennen meist nich hoolen, oba Abraham wist hee must Gott jehorchen.

9




"HIA OPP!" roopt däm Harn sien Enjel. "Nu weet ekj daut du Forcht hast fa Gott. Du hilst nich emol dienen eensjen Sän von mie."

10




Abraham sach eenen Bock, dee em Struck faust wia. Donn leesd hee Isaak loos, un opfad dän Bock en siene Städ. Veleicht haft Isaak jedocht, "Gott haft toojeseenen, krakjt soo aus mien Voda säd."

11




Abraham un sien Sän bäden doa, un däm Harn sien Enjel säd to Abraham: "Derch diene Kjinja woaren aula Velkja oppe Ieed jesääjent woaren, wiels du jehuarsom wiesescht." Jesus es een Nokomen von Abraham.

12



Abraham un Isaak jinjen wada nohus. No jewesse Tiet kjeem waut truajet. Sarah storf. Abraham velua siene Fru un Isaak velua siene Mutta.

13



No daut Bejrafnis, schekjt Abraham sienen basten Deena, hee sull eene Fru holen fa Isaak. De Deena jinkj doahan, von wua see jekomen wieren. Doa wull hee eene Fru holen von Abraham sien Frintschoft.

14

De Deena bäd daut Gott am sull een Tieekjen jäwen. "Lot de Mejäl, dee miene Kameelen Wota aunbitt, de rajchte sennen fa Isaak." Fuaz boot Rebecka Wota aun fa de Kameelen. See wia von Abraham sien Frintschoft. De Deena wist Gott haud sien Jebäd jehieet.



15

Rebecka veleet ääre Famielje toom sikj met Isaak befrienen. See jeef Isaak Troost aus siene Mutta jestorwen wia. Isaak wia ar sea goot!



16

Gott prooft Abraham siene Leew


Eene Jeschicht von en daut Wuat Gottes,
de Bibel

finjt eena en

1. Mose 22-24

"Wan dien Wuat openboat woat,
jeft daut Licht." Psalm 119:130

17



5

60

18

Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

19